



Broj: 09/3-45-1-2628/26

Datum: 31. 03. 2026. godine

Na osnovu člana 70. Zakona o javnim nabavkama Bosne i Hercegovine ("Službeni glasnik Bosne i Hercegovine" broj: 39/14, 59/22 i 50/24), Pravilnika o javnim nabavkama Grada Visoko broj: 01/1-02-179/24 od 31.01.2024. godine, Pravilnika o izmjenama i dopunama Pravilnika o javnim nabavkama Grada Visoko broj: 01/1-02-1481/25 od 29.08.2025. godine, otvorenog postupka javne nabavke za nabavku usluge čišćenja odvodnje i šahtova pokrenutog Odlukom o pokretanju postupka 09/3-45-1-2628/26 od 03.03.2026. godine i objavljenog na Portalu javnih nabavki Obavještenjem o nabavci broj: 870-1-2-32-3-34/26 od 05.03.2026. godine, gradonačelnik Grada Visoko putem Službe za opću upravu i zajedničke poslove, Odsjeka za javne nabavke donosi:

ODLUKU
o izboru najpovoljnijeg ponuđača
za usluge čišćenja odvodnje i šahtova

I

Komisija je konstatovala da ponuda ponuđača ATLAS-D d.o.o Visoko je prihvatljiva, dok je ponuda ponuđača Delta Petrol d.o.o. Kakanj nepravilna.

U skladu sa navedenim i kriterijem za dodjelu ugovora najpovoljnijim ponuđačem proglašava se:

ATLAS-D d.o.o. Visoko
(sa cijenom ponude u iznosu od 19.990,00 KM bez PDV-a)

II

Izabrani ponuđač je obavezan dostaviti dokumentaciju iz člana 45. Zakona o javnim nabavkama Bosne i Hercegovine („Službeni glasnik Bosne i Hercegovine” broj: 39/14, 59/22 i 50/24), u roku od 7 (sedam) dana od dana prijema ove Odluke, a u skladu sa uslovima definisanim u Tenderskoj dokumentaciji.

III

Po sticanju uslova za zaključenje okvirnog sporazuma, Ugovorni organ će pozvati izabranog ponuđača radi zaključenja okvirnog sporazuma u skladu sa zahtjevima-uslovima Ugovornog organa navedenim u otvorenom postupku.

IV

Odluka stupa na snagu danom donošenja.

O b r a z l o ž e n j e

Grad Visoko je pokrenuo otvoreni postupak javne nabavke za nabavku usluge čišćenja odvodnje i šahtova, pokrenutog Odlukom o pokretanju postupka 09-3-45-1-2628/26 od 03.03.2026. godine. Postupak je objavljen na portalu javnih nabavki Obavještenjem o nabavci broj: 870-1-2-32-3-34/26 od 05.03.2026. godine i u Službenom glasniku Bosne i Hercegovine broj: 20/26 od 13.03.2026. godine.

U skladu sa članom 13. Zakona o javnim nabavkama Bosne i Hercegovine („Službeni glasnik Bosne i Hercegovine” broj: 39/14, 59/22 i 50/24) i Pravilnikom o uspostavljanju komisije za javne nabavke

(„Službeni glasnik Bosne i Hercegovine”, broj: 103/14, 49/23) Komisija je imenovana Rješenjem o imenovanju komisije broj: 09/3-45-1-2628/26 od 03.03.2026. godine, u sastavu:

- | | |
|------------------------------|---|
| 1. Abas Avdagić, predsjednik | 1. Andrea Mitrović Karačić, zamjenik predsjednika |
| 2. Elma Ganić, član | 2. Mirha Šehović, zamjenik člana |
| 3. Almir Osmanbegović, član | 3. Amel Aščalić, zamjenik člana |
| 4. Zilha Siréo, sekretar | 4. Adna Smajić, zamjenik sekretara |

Dana 26.03.2026. godine, član Komisije Elma Ganić je bila opravdano odsutna te otvaranju ponuda pristupila je njena zamjena.

U roku za dostavljanje ponuda 26.03.2026. godine (četvrtak) do 12:00 sati dostavljene su ponude ponuđača:

1. **ATLAS-D d.o.o Visoko**
2. **Delta Petrol d.o.o. Kakanj**

Tenderska dokumentacija je bila objavljena na portalu javnih nabavki. Uvidom Komisije u Izvještaj o preuzimanju tenderske dokumentacije od strane ponuđača utvrđeno je da su ponuđači koji su dostavili ponude, preuzeli i tendersku dokumentaciju.

Dana 26.03.2026. godine (četvrtak) u 12:15 sati Komisija je pristupila otvaranju blagovremeno pristiglih ponuda.

Predsjednik Komisije je pročitao cijene ponuda i to:

Red. br.	Ponuđač	Ukupna cijena KM bez PDV-a	Popust (KM bez PDV-a)
1.	ATLAS-D d.o.o Visoko	19.990,00	Nema
2.	Delta Petrol d.o.o. Kakanj	17.580,00	Nema

Kada je riječ o dostavljanju kopija zapisnika o otvaranju ponuda Ugovorni organ je postupio u skladu sa članom 63. stav (6) Zakona o javnim nabavkama („Službeni glasnik Bosne i Hercegovine”, broj: 39/14, 59/22 i 50/24).

Komisija je istog dana pristupila ocjeni ponuda.

Ponuda ponuđača **ATLAS-D d.o.o Visoko** je prihvatljiva. Ponuđač u okviru ponude nije dostavio dokumentaciju iz člana 45. Zakona o javnim nabavkama („Službeni glasnik Bosne i Hercegovine”, broj: 39/14, 59/22 i 50/24).

Ponuda **Delta Petrol d.o.o. Kakanj** je nepravilna.

Ugovorni organ je tačkom 12.2., uslov b) Tenderske dokumentacije propisao obavezu ponuđača da, u svrhu dokazivanja tehničke i profesionalne sposobnosti, dostavi sljedeće dokaze:

- Potvrdu o vlasništvu vozila (ovjerena kopija) ili, ukoliko vozilo nije u vlasništvu ponuđača, ugovor o iznajmljivanju vozila (original ili ovjerena kopija), te
- Izjavu ponuđača kojom potvrđuje da specijalno teretno vozilo – čistač ulica ima maksimalno tehnički dopuštenu masu do 18 tona, da je namijenjeno za čišćenje kanalizacionih sistema pod visokim pritiskom i za usisavanje otpadnih voda iz kanalizacionih sistema, kao i da posjeduje ugrađene uređaje za hidrodinamičko čišćenje pod pritiskom minimalno 200 bara i vakum pumpu radnog pritiska minimalno 30 bara sa cisternom kapaciteta minimalno 8 m³.

Uvidom u dostavljenu ponudu utvrđeno je da je ponuđač na 27. stranici ponude dostavio ovjerenu kopiju Potvrde o registraciji vozila, ali nije dostavio traženi dokaz – Potvrdu o vlasništvu vozila, kako je to zahtijevano Tenderskom dokumentacijom. Dostavljena Potvrda o registraciji ne može se smatrati adekvatnim dokazom vlasništva u smislu postavljenog zahtjeva iz Tenderske dokumentacije.

Također je utvrđeno da ponuđač u dostavljenoj izjavi nije naveo da specijalno teretno vozilo – čistač ulica ima maksimalno tehnički dopuštenu masu do 18 tona, što predstavlja jedan od jasno propisanih i obaveznih elemenata izjave u skladu sa Tenderskom dokumentacijom. U izjavi je navedeno da ponuđač posjeduje specijalno teretno vozilo za čišćenje kanalizacionih sistema pod visokim pritiskom i za usisavanje otpadnih voda iz kanalizacionih sistema, te da isto posjeduje ugrađene uređaje za hidrodinamičko čišćenje pod pritiskom minimalno 200 bara i vakum pumpu radnog pritiska minimalno 30 bara sa cisternom kapaciteta 10 m³, međutim izjava ne sadrži podatak o maksimalno tehnički dopuštenoj masi vozila do 18 tona, kako je to zahtijevano.

Imajući u vidu naprijed navedeno, utvrđeno je da ponuđač nije dostavio dokaz o vlasništvu vozila u skladu sa zahtjevom iz Tenderske dokumentacije, niti je dostavljena izjava ponuđača u skladu sa zahtjevima iz Tenderske dokumentacije.

Ponuđač u okviru ponude je dostavio dokumentaciju iz člana 45. Zakona o javnim nabavkama ("Službeni glasnik Bosne i Hercegovine", broj: 39/14, 59/22 i 50/24) koja je u skladu sa Tenderskom dokumentacijom.

U skladu sa navedenim Komisija je predložila Ugovornom organu donošenje Odluke o izboru najpovoljnijeg ponuđača ATLAS-D d.o.o. Visoko sa cijenom ponude u iznosu od 19.990,00 KM bez PDV-a.

POUKA O PRAVNOM LIJEKU:

Protiv ove Odluke ponuđači imaju pravo da izjave žalbu u roku od 10 (deset) dana od dana prijema odluke. Žalba se podnosi u 3 (tri) primjerka.

Ako u roku za izjavljivanje žalbe nije dostavljen dokaz iz člana 105. stav (1) tačka i) Zakona JN o plaćenju naknadi za pokretanje žalbenog postupka, u iznosu propisanom članom 108. Zakona JN, na osnovu kojeg se može nesumnjivo utvrditi da je transakcija izvršena, ugovorni organ odbacit će žalbu kao neurednu bez pozivanja žaliloca na dopunu ili ispravku. Na ovaj zaključak ugovornog organa žalilac nema pravo žalbe URŽ-u i on je konačan. Protiv ovog zaključka žalilac može pokrenuti upravni spor pred Sudom BiH u roku od 30 dana od dana prijema. Tužba za pokretanje upravnog spora ne odgađa izvršenje pobijanog zaključka, ako Sud BiH ne odluči drugačije.

Dokaz iz člana 105. stav (1) tačka i) o plaćenju naknadi za pokretanje žalbenog postupka, u iznosu propisanom članom 108. Zakona JN, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe.

Uplatilac propisane naknade za pokretanje žalbenog postupka ugovornom organu kod kojeg pokreće žalbeni postupak dostavlja dokaz o uplati i kopiju bankovnog izvoda računa sa kojeg je izvršeno plaćanje.

Ako je uplata naknade za pokretanje žalbenog postupka izvršena iz inostranstva uplatilac je uz dokaz o uplati dužan dostaviti i SWIFT kao dokaz o uplati.

Ugovorni organ pri razmatranju žalbe vrši provjeru uplatnih elemenata sa dokaza o uplati u skladu sa Naredbom o uplatnim računima za administrativne takse i naknade Ministarstva finansija i trezora BiH ("Službeni glasnik BiH", broj 30/23 i 61/24) i Uputstva o praktičnoj primjeni Zakona o izmjenama i dopunama Zakona o javnim nabavkama ("Službeni glasnik BiH", broj 50/24) od strane Agencije za javne nabavke BiH.

Naknada za pokretanje žalbenog postupka propisana članom 108. Zakona o javnim nabavkama BiH ("Službeni glasnik BiH" br: 39/14, 59/22, 50/24) uplaćuje se na jedan od navedenih računa i prema sljedećoj instrukciji:

Depozitni račun broj: 3380002210018390 (Unicredit Banka d.d. Mostar),

Depozitni račun broj: 5517902220404858 (Unicredit Banka a.d. Banjaluka),

Depozitni račun broj: 5556000060067744 (Nova Banka a.d. Banja Luka) i

Depozitni račun broj: 1341021020000276 (Asa banka d.d. Sarajevo)

Polja koja se odnose na uplate javnih prihoda moraju biti popunjena na sljedeći način:

1. Broj poreskog obveznika treba da sadrži jedinstveni matični broj građanina, ukoliko uplatu vrši fizičko lice. Ukoliko uplatu vrši pravno lice treba da sadrži trinaestocifreni identifikacioni broj pravnog lica;
2. Vrsta uplate za svaku uplatu treba biti '0';
3. Vrsta prihoda: 722 586 (Naknada za pokretanje žalbenog postupka);

4. Opština treba da sadrži šifru opštine prebivališta tj. sjedišta uplatioca;
5. Poreski period treba da odgovara datumu uplate;
6. Budžetska organizacija: 0405999 ;
7. Poziv na broj treba popuniti brojevima '0'.

Dostavljeno:

1. ATLAS-D d.o.o. Visoko,
2. Delta Petrol d.o.o. Kakanj,
3. Evidencija,
4. Arhiva.-



GRADONACELNIK GRADA VISOKO

mr.sc. Mirza Ganić dipl.ing

Mirza Ganić